

欽定科場條例

會試考官

會試正副考官

現行事例

一會試考官開列由進士出身之大學士尙書以下副都御史以上銜名如有不應開列及考過試差應行扣除人員俱另爲一單於三月初四日以前繕本密題將上三科考官暨近三科順天鄉試考官各銜名繕寫夾單一併進

呈恭請

欽命正副考官或二三員或四員。道光九年已丑科

欽派五員

預期行知工部。備設黃案并鴻臚寺及開列主
考各官於初六日常服朝珠前往

午門外俟捧本侍衛到時跪聽大學士拆封宣

旨畢跪出者行三跪九叩禮謝

恩迅速入闈禮部派員赴內閣領本仍將

發出各官員知會至公堂等處如恭遇

禮部接過回通近光緒

一派考官。遇有事故。應否另派。奏明請

旨。如入闈後。遇有服制事故。該承辦衙門。毋庸移會
場內。俟撤棘之日。令其守制。

一原領題本於

殿試後送科

例案

順治三年定。會試主考官。屆期。禮部開列大學
士。學士。六部尚書。侍郎。都察院堂官。職名。題請

簡用。

嘉慶二十四年奉

上諭御史袁銑奏考試請飭恪遵功令一摺所奏是順天鄉試會試向於午門前宣旨點出各員例有關防其不入闈者自應迴避卽時散去不許片刻逗遛至未經考差者尤不應至彼窺探接耳交談如有此等情形御史卽應叅奏交部審訊自本科爲始點派考官密本朕不先發交批本處於初六日特派乾清門侍衛二員實至午門前交大學士拆封眼同稽察御史宣旨唱名其內廷行走不能前赴午門候旨者朕

於點出後。是日預行飭知前往聽宣。既宣旨之後。如有不入闈之員。仍在彼逗留聚談者。卽著稽察御史指名叅奏。至殿試朝考。應行與考之貢士進士等。例不准在紫禁城內住宿。其無執事人員。是日更不應至太和門左右翼門探伺。嗣後并著值班護軍統領及稽察御史。嚴行查察。如有違令者。據實糾叅。欽此。

又奉

上諭。昨降旨將鄉會試點派考官密本。屆期派乾清門侍衛二員。齎至午門前拆封宣旨。著卽自本科爲始。

凡應行開列及曾考試差各員俱於三月初六日常服朝珠前往午門外聽宣候捧本侍衛到時各按品級班次跪聽宣讀其未經點出者卽起立退出不准片刻停留其已經點出各員毋庸更換朝服卽行三跪九叩禮謝恩禮畢迅速入闈毋稍遲延欽此。

又奉

上諭昨降旨將鄉會試點派考官密本屆期派乾清門侍衛齎至午門前拆封宣旨著自本科會試爲始禮部於三月初四日將題本送閣初五日進呈初六日

發下。卽交捧本侍衛齋往。至鄉試遇朕巡幸之年。着該部預行計算發報日期。扣至八月初六日黎明到闈。卽早亦必於初五日到闈。初六日黎明齋至午門前。照新定規制。拆封宣讀。考官等卽刻入闈。不准在內閣先行拆封。著爲令。欽此。

道光五年軍機大臣面奉

諭旨。禮部具題鄉會試正副考官同考官本內。向祇將不應開列。及應行扣除人員。於題本內籠統聲敘。並未另爲一單開列。隨本進呈。嗣後著自明年會試爲

始。如有不應開列。及考過試差。應行扣除人員。俱另爲一單。於具題正副考官同考官本內進呈。以便披閱。欽此。

道光十三年。片覆內閣。片交。本年會試請

派考官密本。查初四日係祭

先農壇。是日不進本章。禮部定於何日送閣。何日具題等因。自應遵照向例。於初四日送閣。初五日具題。

道光二十七年咨兵部。本年會試恭值

皇上二月二十八日啓

鑒二月初五日

駐蹕

南苑。現准軍機處片交軍機大臣面奉

諭旨。所有本年丁未科會試考官密本。著於三月初五日在舊衙門進呈。欽此。本部定於初四日送閣。知照兵部將彈壓副都統等官題本。亦於初四日送閣。初五日一同密題。

會試考官

會試同考官

現行事例

一會試同考官例用十八員。開列由進士出身之詹事府少詹事翰林院侍讀侍講學士以下科道部屬等官以上。並將上年考試試差全單內有陞遷京職者。於各該員銜下註明。其不應開列及例應扣除人員。分繕清單。隨本進

呈恭請

欽點其本與主考官同日密題所有宜

旨行知等事宜均與主考官同

一外場巡察科道及提調司員有奉

旨派出同考者奏明令其入簾其巡察提調事務另

行委員接辦

一

取出之同考官有因隨

同考官入場者奏交正副考官令房考官

融辦理

例案

乾隆二十五年奏准本年會試同考官遵

旨將上年鄉試考試人員開列隨本進

呈並將陞遷出差事故人員扣除

乾隆二十六年奉

上諭嗣後凡遇會試著將考試等第全單隨本進呈以
備檢派欽此

乾隆五十四年奏准此次會試奉

旨派出同考官詹事府少詹事王懿修驟發怔忡不克

入場照例知會正副考官。令派出之同考官通融辦理。

乾隆五十八年奏准。此次會試

派出同考官刑部員外郎彭希濂。現在隨

圍令各同考官通融校閱。又棘牆巡察給事中初

彭齡。御史王天祿。現奉

旨派出同考官。除令該員等照例入場外。禮部行文都察院。另派二員。接辦巡察事務。

道光三十年。本部具奏。庚戌科會試同考官卓

標係正考官卓秉恬之子。應否迴避等因。奉

御筆著迴避。欽此。

附載舊例

順治三年定。會試同考官二十員。內用翰林院
官十二員。六科官四員。吏部司官一員。禮部司
官一員。兵部司官一員。戶刑工三部司官每試
輪用一員。各該衙門推舉資俸優深。小望素著。
送內院裁定。入闈閱卷。

順治十五年定。會試應開送同考各衙門。除會
經直省典試及會試分房不開外。其現在各官。
臨期密開職名。移送禮部題請。

欽點

欽定科場條例卷十

會試執事官員

書館印順天鄉試執事官員

附人役

現行事例

一順天鄉試監臨禮部咨取由科甲出身及不由科甲出身之滿洲侍郎以下三品卿以上分繕清單其漢監臨將兼管順天府尹及府尹開列並將上三次滿洲監臨暨漢監臨各銜名繕寫夾單一併進

呈於七月上旬奏請

欽派滿洲一員漢一員如遇陞遷出差事故另行開

單奏

派。

一順天鄉試以府丞一員充提調官。

一內簾監試滿洲科道一員漢科道一員稽查

內簾事務內場監試滿洲科道四員漢科道四

員稽查龍門以內及至公堂事務均由禮部於

七月中旬

會試於二月中旬。

行都察院移取科道銜名

通行開列。偕考官同日密題入場。其宜

旨。知照各事宜。與考官同。如恭遇

皇上時巡。謹按道里遠近。先期辦理。

一外場巡察。滿洲御史二員。漢御史二員。稽查

轍門運送出入事務。禮部於七月上旬

會試於二月上旬

旬。行都察院。移取各道銜名。通行開列。於七月

下旬具奏

會試於二月下旬

即於二十八日。前往貢院

轍門外住宿。奉

旨。日。知照都察院。並順天府。

一棘牆外巡察滿洲科道四員。漢科道四員。不

分晝夜輪流查察。禮部於七月下旬奏派。會試於二

月下旬。

一監試巡察科道。遇有陞遷出差事故。另行奏

派。如臨場不及開單請

簡。行文都察院。迅卽揀派一員接辦。一面奏

會試同

一內收掌官二員。外收掌官一員。受卷所官八

員。彌封所官四員。謄錄所官四員。對讀所官四

員均由禮部於七月中旬行知各衙門將進士

出身未考試差者及舉人恩拔副貢生出身之

員由各堂官公同揀選照派定額數送部

內閣中書

四員吏部禮部兵部工部司官員二員戶部刑部司官各六員宗人府翰林院詹事府都察院大理寺通政使司光祿寺太常寺大僕寺中書科等衙門各一員如不敷用以國子監監丞助教等官補足共開列三十員繕本與考官一同密題

同日入場如開列人數不敷禮部於本內聲明

各所承辦事畢陸續出場其宣

旨筵宴各事宜與考官同如入闈後遇有事故奏明

令監臨於場內通融辦理

一試卷截印封貯後至公堂派委官二員專司

看守。會試同。

一彌封謄錄官由監臨

會試由知貢舉

擇其年力富強

精明幹練者先行派定毋須與各所官掣籤任

事。

一謄錄官一本

無過各部紀錄一次三次無過

者加一級如有

大察舞弊等情各部議處

會試同。

一監同稽察

門運送供給進院夫役鋪陳等

一順天鄉試。治中爲印卷官。通判爲總理供給官。大興宛平二縣爲供給官。其內外委官及委辦執事官。俱由該府尹查照歷科派出員數。於附近府州縣佐雜等官內委用。

一八旗士子入場順天府。會試由禮部。先期行文八

旗每翼派叅領一員。於東西轅門外嚴行約束

隨牌聽點。

一場內聽用醫官順天府。會試由禮部。先期行文太

醫院派出入場。會試先將職名送部。

一對讀。每科約需九十名。至一百名不等。順天府先於四月內。移會順天學政。冊送四五等文武生員到府。卽交各州縣批解。交照磨所點驗。於八月初七日入場。如不敷用。提調於考選膳錄字畫時。兼取文義畧通者。分別記名充補。

一膳錄定額一千名。於順天直隸各州縣衙門正身書吏內。誠實能書者。均勻選派。造具花名清冊。取具印結。由直隸總督委員送交順天府。限七月內到府。按冊點查。照例考驗。委大興宛平二縣

嚴密關防。委員看守。屆期。順天府會同監臨。驗明印信。於八月初六日押送入場。如有僱覓頂充者。從重治罪。

一聚奎堂。供事書吏八名。咨吏戶兵刑工五部。都察院。通政使司。大理寺等衙門。各派一名。送

府應用。會試由禮部咨取

一文卷各役。監臨於各州縣。膳錄內選充。其場內辦理分卷各事宜。於各部院衙門。經承書吏內。每處挑送六名。吏禮二部。各派八名。屆期。造

具花名冊移送監臨監試提調銀掣二十四名入場供役

一三場完竣留闈之委官書吏均俟事竣出闈不得自行告假其業經出闈者更不准藉端復人違者叅處責懲

會試同

一場內需用刻字刷印彌封裱糊鼓手厨役鄉皂飯夫打掃等項人役俱由順天府行文所屬預期僱覓造冊送府查驗於初六日入場

按順天鄉

試用刻字匠三十二名刷印匠二十四名彌封匠十名關門夫八十名煮飯夫二十名

十六名。裱糊匠二名。泥水匠六名。漏粉匠一名。蒸作匠二名。打餅匠二名。錫匠一名。鐵匠二名。木匠一名。棚匠四名。鼓手四名。鄉厨六十名。鄉皂六十名。

一號軍需用一千名。順天府於五月內。行兵部轉飭巡捕五營。照數差撥。造具名冊。移送過府。於八月初七日入場。三場完畢放出。

一搜檢捕役。順天府於五月內。行五城兵馬司。派撥番役。係九門提督自行派撥。隨帶轎門。點名給籤。順天府於五月內。行兵部。派出守備二員。會同大興宛平二縣辦理。巡場官兵。巡守窩

鋪兵丁亦於五月內行兵部及九門提督派撥其巡牆官係五城兵馬司輪流值宿往來巡視於六月內先期行文檄調並取職名備查。

例案

順治初年定場內供應員役或有埋藏傳遞等弊各役宜嚴選信實司門宜改易佐貳。

順治二年定外簾四所官俱要精明強幹彌封官關係尤重當量才授任四所總門除送薪水一次外皆實封鎖不得宴聚提調監試輪日稽

查侯騰錄對讀完日方許撤封。

又定取醫士一名入場聽用。

順治十二年定巡綽官用守備千總等弁。

康熙三年題准監試巡察御史停其坐名題請通行開列密請。

欽點其內外簾執事各官亦與主考同考官一併題請欽定。

康熙十八年議准內簾分卷及印卷面號印交與收掌試卷官仍添設滿洲御史一員漢御史

一員監視不與文字。專司糾察弊竇。凡遇作弊等項不時據實糾參。其封門發題進卷分卷關防一應諸事。向係正副主考管理。今俱令御史管理。其新添御史至期與內外監試御史密題欽點入場。

康熙四十七年奉

旨內簾監試共用滿御史五員。此本內只開列五員。若此必行派出。伊等預先可知矣。嗣後此等開列之事。若人少可預期奏聞。再此本內將滿漢御史一併開

列開看甚屬不明嗣後各將滿漢御史分別欽此

康熙五十二年覆准舉子進院除巡綽等官照常出派外或叅將或遊擊增派一人坐明遠樓前同御史管理試畢出場若督理不嚴將該管官治罪

雍正元年議准順天鄉試外簾官禮部行文各衙門將進士舉人出身之員外郎主事評事博士內閣中書國子監助教開列題請

雍正四年奏准每翼派副都統一員叅領一員

章京一員與考試官一同進場稽察三場已畢舉子出場時副都統章京等官即便一同出場雍正七年議准每翼派賢能叅領一員於貢院轅門外一同點名。

乾隆九年步軍統領舒赫德等奏准外場巡察御史先期前往貢院大門外駐宿以便搜查運送之供給及進院之夫役人等並主考同考監試提調副都統內外簾執事各官之跟役鋪陳等項逐一驗明搜檢放入以杜執事人役代士

子懷挾之弊。

又奏准。士子進場之日。於甄門外各添守備一

員。協同點名給籤。

按道光十一年議准。給事中劉光三條奏。添派在城總兵

一員督率點名給籤。

案載入闈點名門。

乾隆十七年奏准。場內刻字匠。仍令照舊例留內關防。俟揭曉之日。一同放出。

乾隆十八年奏准。嗣後點名執牌人役。必需官員督率。鄉試由順天府派員管理。

乾隆二十一年。議准侍郎劉綸奏。稱順天鄉試

外簾官進士舉人出身之員或不敷用許各衙門將恩拔副貢出身之員揀選咨送會試亦照此例辦理。

乾隆三十五年奏准嗣後鄉會試各士子俱責令副都統二員會同監試御史彈壓。

乾隆二十八年議准嗣後開列外簾人員以三十員爲率恭請

欽派十八員足敷點用凡順天鄉試內閣中書開送四員吏禮兵工四部各開送二員戶刑二部各開

送六員其宗人府翰林院詹事府都察院大理寺通政使司太常寺光祿寺太僕寺中書科等衙門酌擬各一員如無合例之員查國子監監丞助教等官俱係科目出身員數亦多臨期禮部行文該監指定員數開送以補別衙門不足之數儻實無合例人員定數禮部隨本聲明此內如有考過試差人員應行扣除。

乾隆二十八年奉

上諭據知貢舉程景伊奏此次會試外簾官內有年老

抱病難於勝任者派員幫辦。尙未貽誤。嗣後請令各該堂官於開送時將老疾者驗明扣除等語。所奏亦是。昨經侍郎錢汝誠奏請將外簾執事各官通行開列請點。其意原以均勞逸而杜規避。是以降旨准行。乃各衙門堂官並未詳加甄選。輒將衰疾之員一概開入。致場內另派幫辦。殊失慎重之道。且以如此易辦事件。各該堂官率畧乃爾。則其平日遇事不克周詳盡力可知。著傳旨通行申飭。向來鄉會試開送執事各官。以內簾衡文取士。視爲榮選。而畏外簾之易

干議處。每多卻慮。此一各官不以公務爲急。惟以利
已是圖。然同一承辦科場。而使執事之員。妄生趨避。
不若預定章程。免致臨時遷就。嗣後應按照外簾應
用人數。及各衙門員數多寡。分別定額足數點用。著
該部詳細定議具奏。至開送時。該堂官等務宜公同
驗看。不得視爲具文。僅一二人畫稿行文。遂爲了事。
其科場處分。舊例皆從嚴密者。蓋因內簾去取攸關。
自不得不嚴設科條。以防弊竇。若外簾之受卷彌封。
謄錄對讀等官。原無校閱之責。卽有無心過犯。致干

吏議者不過失察疎忽。舊例所定。動致降革。原亦未免過重。其外簾如何準酌平允。寬嚴適中之處。並著該部逐一分別。另行定議具奏。載入條例。永遠遵行。欽此。

乾隆三十年奉

上諭。本年順天鄉試屆期。場中印用坐號之提調。監試等。按例親身詳慎辦理。勿僅虛應故事。仍假手吏胥。致滋奸弊。臨期該部請旨。於點名時。朕當特派大臣。會同順天府尹。於龍門內嚴加查察。以防接談換卷。

號之弊。錄此。

又奏准順天鄉試監臨檢查墨卷完竣卽行出場。

乾隆三十三年議准監察御史戈濤條奏嗣後鄉會兩試供給俱責成大興宛平二縣知縣辦理事竣由兩縣造冊報銷其丞尉等員有應代司收發者聽該縣自行委派協同料理。

乾隆三十五年奏准外簾受卷彌封謄錄對讀等所官員照外省之例承辦各所事竣不必候

榜發卽令其陸續出闈以昭畫一。

又都察院左都御史張若澐奏准鄉會試外場內場內簾等三處派有御史監試所以稽察弊端責任綦重向例惟將資淺御史依次開列二十員指定所司之事共請用十員是何人外場何人內場何人內簾一年半年之前已可揣度而知保無請託照應嗣後除有差使外其餘一體通行開列。

乾隆三十九年奏准本年順天鄉試原派巡察

甄門御史戈源奉

旨派入內簾同考官其一應稽查並點名各事宜現在
已屆場期移行都察院速酌派御史一員協同
巡察甄門御史等辦理。

乾隆四十年奏准嗣後辦理科場照舊例令地
方官選送誠實書手正身入場分撥四所仍就
其中擇勤謹明白者每十名選取總書一名分
司其事總於場內臨時酌定交監臨提調同至
公堂御史一體稽查。

乾隆四十三年議准會試試卷不過四五千本
額設收掌二員足敷辦理至順天鄉試不下九
千餘卷向止收掌一人未免竭蹶嗣後順天鄉
試添設收掌一員庶不致稽遲貽誤

乾隆五十一年議准御史劉坤條奏嗣後鄉會
試外場監試御史於頭二三場每夜在外圍牆
更番巡查儻派出員弁兵役不認真查緝經御
史查出違誤卽嚴叅辦理如該御史未經查出
致有透漏題目自外傳遞文字等弊發覺並將

該御史等交部議處。

乾隆五十二年奏准嗣後順天鄉試監臨該部

將科甲出身之滿洲侍郎漢侍郎以下三品卿

以上通行開列

道光元年議改漢監臨將兼請管順天府尹及府尹開列

旨各派

一員於關防純轄更爲慎重

按乾隆五十三年鄉試奉

旨

派出監臨俱非科甲出身嗣經禮部將不由科甲出身之大員銜名一併開列

又奏准舉場號舍之外棘闈之內有巡更巷道

地處閒僻場中員役托名巡查往來不絕此等

空隙處所逼近號舍最爲藏奸往往勾通外場

人役從中舞弊。應將場內巡更巷道毗連號舍之處。概用牆垣截斷。作爲空地。禁止人役往來行走。惟查闌外兵役支更巡綽。並另請

欽派滿洲科道四員。漢科道四員。於初九初十二十三十五十六等日。在棘牆外。無分晝夜輪流查察。其直省鄉闈均照此辦理。並令監臨揀派府廳等員。在外闌派行巡察。以資防範。

乾隆五十四年議准。請交禮部鑄

欽命監臨闕防一顆俟

派出監臨後卽交該員齎帶入場於試卷送進時逐卷
鈐用以昭慎重而防盜換。

又議准給事中馮應榴條奏士子於每場試卷
末填寫通共添註塗改若干字並令受卷官於
收卷時登記簿冊但收卷時士子紛紛出場卷
數多至數千卷受卷官僅有四員勢難兼顧嗣
後增派四員令其親手按卷照數逐一登記並
於簿面註明受卷官某人以便稽覈。

又議准嗣後順天鄉試應於各部院衙門經承

書吏內每處挑送六名。寬爲預備。惟吏禮二部辦理試事較多。尙爲諸悉。嗣後各派八名。屆期造具花名清冊。咨送監臨監試提調。按照各冊花名。籤掣二十四名。入場辦理分卷各事宜。毋許僱覓他人入場。致滋弊混。儻經監臨等查出書吏並非正身。卽行嚴究懲治。並將各衙門承送之員。叅處。如該監臨提調監試等。未能查出。致有混入作弊者。一經發覺。將監臨監試提調等官議處。

又議准。查向例每場士子入闕時。卽令全行歸號。封門後。監臨監試提調等官。逐號嚴查。以杜亂號之弊。但恐號數太多。該員等公同稽查。一時難遍。往往有遺漏之處。以致士子亂號。無從指出。嗣後清查號人告時。令該員等分段親往。將某號係某員查看。登記號簿。備有亂號等弊。卽將某號原查官叅處。但向來監試祇係御史四員。恐不敷查察。嗣後應派監試滿洲御史四員。漢御史四員。並令將科道銜名通行開列。恭候

欽點庶查察之員耳目較多於防弊更爲周密。

乾隆五十七年監臨伊齡阿等奏准外場諸務至公堂監試四員提調一員足敷辦理。至現在添派科道四員原爲入號巡查而設。舉子出場後並無應辦事件。可照繙譯鄉試之例。三場完畢。卽令出闈。

嘉慶四年奏准監場巡緝叅遊守備等官令該管衙門將應開營分各員通行開列咨送兵部於考官入闈之日傳齊各員該堂官當堂掣籤。

派委妥當司員帶領同至貢院點名入場不許逗遛

嘉慶八年奉

上諭嗣後凡遇考試彈壓由該部祇將副都統銜名開列謹派其隨往之叅佐領等著派何旗副都統卽令其將該管旗下叅佐領隨帶入場彈壓不必題派著爲令欽此

嘉慶九年禮部具奏本省順天鄉試監臨前經奉

旨派出榮麟陳嗣龍今榮麟奉

旨補授

盛京兵部侍郎所有順天鄉試滿洲監臨理應奏
請另

派謹將各衙門原送之滿洲堂官銜名分繕清單恭請
欽點一員奉

旨派出舒聘欽此。

嘉慶十二年奉

上諭本日由本報遞到禮部奏請點派順天鄉試搜檢

王大臣一摺名單內將正紅旗蒙古副都統瑞齡銜名列入瑞齡現在奉派隨扈所有在京搜檢差使自應扣除禮部將伊列入單內實屬錯誤著留京辦事王大臣查明或係該旗及侍衛處誤行開送抑或文內聲明禮部不行詳查誤行開列係何處錯誤卽據實叅奏欽此遵

旨查明正紅旗蒙古曾以副都統瑞齡隨

駕之處知照禮部未經扣除卽行具奏實屬錯誤應請旨將禮部堂司各官照例分別察議奉

旨依議。欽此。

嘉慶十三年。議覆御史長祥。何學林。趙佩湘。條陳外場事宜一摺。據原奏內稱。甄門御史隨帶筆帖式二員。毫無經管事件。虛糜廩給。應請裁汰等語。查內外簾監試御史。向許隨帶筆帖式各二員。嗣於乾隆六年裁汰。其甄門御史仍隨帶筆帖式二員之處。例內並未詳載。自係該衙門相沿舊例。派往現據該御史等奏稱。並無應辦事件。應如所請。嗣後毋庸復派。以省浮費云。

原奏內稱稽察接談換卷大臣除不准隨帶官員外。其二品大臣應請准帶跟役二人。三品以下准帶跟役一人。照例給與腰牌。止攜坐褥。餘者不准帶進。再龍門內監試御史八員。應請酌分二人。一同就近查察。並覈對跟役有無腰牌。滋弊者指名嚴叅等語。查龍門內逼近號舍。恐跟役人衆。稽查難周。應如所奏。將一二品跟役酌減爲二人。三品酌減爲一人。仍照例給與腰牌。放入。至隨帶官員。該稽察大臣等期於稽

察時呼應得靈。似於公事有益。惟例無明文。自應定以限制。嗣後祇許各帶一員。仍預造名冊。送至公堂。及外場御史察覈。並令入號巡察之。御史四員。於未經封門以前。輪流分班在龍門內覈對。從人腰牌。備有混入滋弊者。嚴行懲辦。以昭慎密。

嘉慶十四年。監察御史陳中孚條奏科場事宜一摺。據原奏內稱。嘉慶九年試差各員。取定次序。外間紛紛傳播。經前任御史周廷森奏明。奉

旨飭禁在案。近來此弊尙未盡絕。誠恐舉子等。於未簡命之前。或探聽名次。揣度鑽營。應請

旨嚴飭閱卷大臣。秉公持重。毋令透漏消息。又風聞會試鄉試。入場人員。於素識士子接卷時。查知坐號。紛紛致送薪水食物。並有親至號口接談者。難保無代倩詩文。及查取題目出處等弊。相應請

旨嚴飭監試各員。一切貢院考試。概行查禁。又風聞僥倖之徒。探知奉差各員家丁。及聽差胥吏。並熟

識佐雜武弁等多方賄屬將謄寫詩文經策先期帶入場內俟點名後私給該士子抄錄飭法營私莫此爲甚請

上旨嚴飭監試各員認真查覈將奉委各員及無論何項夫役一律搜檢方准入場毋許一名疎漏又向來會試士子等先期於充當謄錄之人給與銀兩入場找尋試卷用心謄寫其未經交通者任意脫落錯誤實屬惡習久經革除在案而直省鄉試竟有藩司書吏包攬賄買謄錄之弊請

旨飭令各巡撫嚴行申禁。並責成磨鍊官。實力懲究等因奉

旨諭。御史陳中孚奏。慎重選舉。一摺。科場爲掄才大典。自應嚴剔弊端。拔取真才。從前頒行條例。本極詳明。第恐奉行不力。日久玩生。以致防閑未周。巧僞百出。勢難保其必無。卽如所奏考試試差時。稍有漏洩。則士子等得以探聽揣摩等語。每次考差。外間卽有如此傳聞。及加以根究。又不能確爲指實。將憑何辦理。嗣後閱卷大臣。惟當守口如瓶。各知愧勵。倍加慎密。

以息物議。有則痛改。無則加勉。以全朕用人之苦衷。至於外省調派內簾。應用科甲出身人員。聞各省士子。往往有預先拜謁交通關節之事。該督撫等。尤應慎選素行端方。學問優長者。方行檄派。毋得濫行調取。致啟鑽營之端。此外如鄉會試入闈各員。於熟識士子。致送薪水食物。親至號口接談。代改詩文。查取題目。及隨帶家人書吏。代爲夾帶。交通謄錄。找尋試卷諸弊。皆應嚴行查禁。嗣後著派出之知貢舉監臨。及各省督撫等。實力稽察。有犯必懲。以期仰副甄拔。

賢才之至意將此通諭知之摺併發欽此。直省鄉試及會試事

例俱同。
不重載。

嘉慶十五年奉

旨薩彬圖已補授盛京戶部侍郎所有順天鄉試監臨著佛柱接辦欽此。

又奉

旨鄉會試年分定例不准條奏科場事宜况佛柱等業已入場監臨乃於將屆發榜之前奏請加增南北皿官卷中額明係有心邀譽吏部議照違令公罪例罰

俸九個月。實屬過輕。佛柱溫汝。均著實降一級調用。毋庸再行罰俸。欽此。

嘉慶十九年奉

旨。向來部院各衙門。遇有請派事件。均將上屆派出各員開列比較單呈覽。此次考試拔貢。禮部單開嘉慶七年派出搜檢王大臣內已故者十二員。不應仍行開寫。嗣後各衙門開列比較單。著將上屆派出之員敘明共若干員。聲明已故若干員扣除。將現存者按名開單進呈。欽此。

嘉慶二十二年奏准。御史姚瑩具奏。順天鄉試監臨。請照會試知貢舉之例。統俟揭曉出闈等因。係爲嚴密關防起見。應如所請。嗣後順天鄉試監臨。統俟揭曉後出闈。以歸畫一。

嘉慶二十四年。明亮等奏。本月初六日在

午門外。恭拆密封本。宣

旨唱名。外簾官宗人府主事德喜保未到。當經行查去後。據宗人府覆稱。該員現因患病不克入闈。卽知會禮部照例行文場內。令於外簾官內。通融

辦理。

嘉慶二十五年奉

上諭向來鄉會試屆期。禮部於奏派搜檢王大臣後。復奏派近信王大臣會同搜檢。其所開銜名。卽係奏派搜檢王大臣單內。未經派出之人。名實不符。竟係具文。嗣後鄉會試。著禮部卽於奏派搜檢王大臣時。聲請多派數員。其近信王大臣。毋庸另行奏派。著爲令。欽此。

道光元年。禮部具奏。本年順天鄉試題派同考。

官。於初六日宣

旨。內有監察御史邱煌一員。該員前經

派出場外棘牆巡察。應照例令該員卽日入場分校。所
有棘牆巡察行文都察院。另派一員接辦。

又議覆御史朱鴻具奏籌酌科場事宜一摺。查
舊例順天鄉試本係兼管府尹及府尹輪充。嗣
因府尹充派不過一二員。恐吏胥或有預爲揣
摩等弊。於乾隆五十二年奏改。將侍郎以下。三
品卿以上堂銜奏請。

欽派伏思監臨督率外簾諸務。於內簾取中之事。絕不
與聞。既無關弊。實吏胥何用揣摩。而外簾佐雜
各員。俱係府尹所屬。三年計典。統歸考察。以府
尹充派監臨。關中一切事務。呼應自屬較靈。再
查府尹有地方之責。未便久在關中。致曠職守。
俟文闈三場及宗室士子考試完畢。該府尹卽
行出關。至文闈揭曉時。仍進貢院。公同拆卷。其
滿洲監臨一員。仍將滿洲府郎以下。三品卿以
上堂銜奏請。

欽派所有場中謄錄對讀各事宜。漢監臨出闡後。專令滿洲監臨稽查督率。俟文闡揭曉後。滿洲監臨卽接辦繙譯鄉試事宜。至供給什物。有任意剋扣。及家人包辦等弊。應請大興宛平二縣親身督理。一欵查大興宛平兩縣案牘繁多。職守緊要。場中辦理供給。爲期一月有餘。若令該縣逐日親身督理。僅地方公事。一有遺誤。該令等轉有以藉口。所有該御史奏令大興宛平兩縣親身督理之處。應毋庸議。

道光二年。軍機大臣面奉

諭旨。嗣後遇有奏派各項差使。所有應行開列人員。著全行開列。其屆期另有差使者。於各該員名下註明。欽此。

道光十一年。禮部具奏。本科順天鄉試。

派出棘牆外巡察御史周作楫。現奉

旨簡放河南學政。所有棘牆外巡察事宜。現據都察院

派員接辦。奏

聞一摺。奉

旨知道了。欽此

道光十二年奉

旨嗣後貢院考試文鄉會試及繙譯鄉會試著都察院衙門奏派滿漢堂官各一員專司稽查考試教習拔貢及其餘考試著奏派堂官一員欽此。

道光十五年奉

上諭何凌漢等奏請分派貢院門磚門兩處搜檢一摺。此次會試派出搜檢王大臣及侍衛各員。卽著該王大臣等酌量分派於貢院門磚門兩處稽察搜檢。以

昭嚴密嗣後每科會試著禮部於奏派搜檢時卽行分別開單奏請分派欽此嗣經議准會試將貢院門磚門兩處搜檢分別開單奏

派本年鄉試亦應照會試例辦理以昭畫一鄉試前期行文各衙門咨取應閱銜名由部開單先請

簡派貢院門搜檢王大臣其未經

派出各員另繕清單再請

簡派磚門搜檢王大臣並知照領侍衛內大臣其應派

侍衛各員亦分作兩次同日具奏

又奏准本年順天鄉試應

派搜檢王大臣稽查懷挾奉

硃筆圈出三十員查搜檢王大臣應在貢院門磚門兩處搜查謹將此次

派出各員繕寫清單恭請

欽派貢院門十五員磚門十五員前往稽查以昭嚴密

道光十七年議覆御史朱淳奏稱委員書吏等於派定留闈之後往往任意告假出闈或五日或十日仍復入闈種種弊端殊難防範請嗣後

三場完竣既經留闈之官吏不准告假等語。應如所奏。所有留闈之委官書吏等。均俟事竣出闈。不得自行告假。其業經出闈者。更不准藉端復入。經此次明定章程之後。如有仍蹈前習者。委官叅處書吏責懲。

又議准。試卷戳印後。羅列至公堂。並無專員管理。殊非慎密之道。嗣後鄉試添派至公堂委官二員。於試卷貯箱封鎖後。責令專司看守。監臨提調不時查察。以杜書吏偷改描摹之弊。其對

讀以後墨卷由外收掌收貯仍照向例辦理

又本部會同順天府議奏鄉會試內外簾書吏
添派司員管送並遵照成例辦理一摺奉

旨向來科場內外簾書吏由六部等衙門經承內派送
謄錄書手係直隸各州縣冊送當差近來每有頂名
冒混之弊著禮部會同順天府申明舊例妥議章程
具奏欽此臣等查鄉會兩試需用內外簾書吏定例
聚奎堂供事書吏八名各吏戶兵刑工五部都
察院通政使司大理寺等衙門各派一名其場

內辦理分卷各事宜。於各部院衙門經承書吏內每處挑送六名。吏禮二部各派八名。屆期造具花名冊。移送知貢舉監臨監試提調。籤掣入場供役。如入場書吏並非正身。經監臨等查出。卽行嚴究懲治。並將各衙門承送之員叅處。是書吏例用正身。毋許僱覓他人。致滋弊混。無如日久玩生。本年順天鄉試。經監臨等查出入場書吏內。頂名冒混者。竟不一其人。若非嚴定章程。不足以昭慎重。臣等公同酌議。嗣後內外簾

書吏各衙門照例於經承內挑送造具花名清冊屆期由各衙門添派司員二人將派出書吏管送入場如入場後查有頂冒等弊除將該書吏照例懲辦外並將管送之員叅處如此認真稽查庶頂冒者無從混入矣。

道光二十三年軍機大臣順天府會同本部議覆御史雷以誠奏內向來膳錄官止有四員稽察難周請添四員並添御史二員監察等語查科場事宜總在認真辦理不在員數衆多且外

簾房舍僅數四所官棲息未便再議增添應責
成監臨知貢舉選擇明幹之員派充謄錄所官
嚴密稽察毋使稍滋弊竇又稱謄錄官但有處
分而無記功不足以示勸懲等語嗣後應請將
謄錄官一次無過咨部紀錄一次三次無過者
加一級如有失察舞弊等情咨部議處監臨知
貢舉派定謄錄所官卽開列職名知照禮部以
憑查考。

道光二十六年准中書科移稱漢中書程正棨

常浴繕辦

諸敕事繁未便開送外簾官其餘並無合例人員等因
查順天鄉試應用外簾官各衙門開送均有定
額今漢中書程正榮常浴既經合例應送一員
以便開列具題勿得以事繁爲辭致缺額數

附載舊例

順治初年定順天鄉試用監試御史二員入場
總理諸務巡察御史二員搜檢諸生進場由順
天府咨呈都察院都察院轉咨禮部坐名題差
其外簾各官共用十六員於八府知縣教官內
科甲出身者由順天府尹行取題用
順治二年定京闈監試御史以一月前題請即

欽點次日入院。

於

雍正七年奏准。鄉會兩試。外文場承辦公事五
減司坊。原派有書役。而後設院書二名。院皂八
名。甚屬無用。每日索錢。皆由此輩。請永行禁革。
又議准。考試期近。兵部咨取副都統。恭領京
職名時。各該旗副都統。即將木旗老成勤慎能
諳漢字領催。派出五名。候宣

音之日。

各帶至午門預備

欽點副都統

即帶本旗領催一同入場。

乾隆六年。議准御史周祖榮條奏。至公堂監察
御史。隨帶筆帖式二員。筆經我汰。其內嚴監察
御史。隨帶筆帖式二員。亦應一併裁汰。

乾隆九年。都察院左副都御史。周宗萬奏准。士
子入闈於點名時。恭請

欽派近信大臣官員。

照同查察一體嚴行搜檢。備有徇
情疎縱。將監試官指名糾參。

附載駁案

嘉慶十三年議覆御史長祥何學林趙傑謝保陳外揚事宜一摺據原奏內稱年老應試士請另造一冊交甄門御史於點名全畢後領將該老生按牌點名給籤搜檢免至擁擠等語查鄉會試東西甄門四棚點名省分及府州縣分勻例有一定次序該御史等惟應於士子未進碑門以前責令照例隨牌序進嚴禁閑人不許混入則老生自無擁擠之患若不歸本屬概將六十五歲以上老生每門另作一冊最後點進則內外場各冊均難依次而列其頭二三場各卷亦難依次而分將來必有冊卷不對之事辦理未免紛更所有該御史等奏請將老生點名另造一冊之處應毋庸議又原奏內稱龍門內東西兩廡於士子號舍之前各有瓦房十數間為彈壓大員稽查御史住宿之所因無廚房廁在院內搭蓋席棚一路糞食稍不謹慎甚為可

慮察看該處院落儘可易葺灰棚為廚房等處
查科場內添蓋席棚之處甚多隨時拆卸工費
較易惟在辦理場務及彈壓稽查各員嚴飭人
役小心照料自可無虞火燭貢院建設多年一
切規模俱有定制且每科經費有常未便一時
增設房間所有該御史等奏請將龍門兩廡內
席棚廚房改易灰棚之處應毋庸議

道光十三年奉

上諭御史富彰奏鄉會試搜檢王大臣因差不到請酌
定章程一摺著禮部議奏欽此查向例鄉會試由臣
部奏

派搜檢王大臣鄉試或三十員或二十餘員會試二十
餘員並知照侍衛處同日奉

派數員其屆期另有差使不能到班者知照外場御史
搜檢王大臣於次日覆

命時將因何不到班之處摺內聲明歷經遵辦在案茲
據該御史奏稱於考試正場日期全赴貢院一切差
使應行停止查搜檢王大臣

派出員數本多。往往遇有別項差使。若令其全行停止。

於公事恐多格礙。伏思搜檢士子。全在稽察之認真。不在人數之多寡。嗣後除無故不到者。由搜檢王大臣及外場御史指名奏外。其實係另有差使。應請知照外。場御史搜檢王大臣。以備查覈。所有到班人員。仍照向例。分往各門稽察。務令士子等魚貫而進。嚴行搜檢。自足以清弊竇。該御史所奏停止差使之處。應毋庸議。又議覆御史松桂條奏。嚴立場規。以清積弊。一摺。查定例。士子進場。添派兩翼總兵帶兵彈壓。惟查京營總兵二員。一駐班。

圓明園。祇應專派在城總兵一員。酌帶弁兵分巡督率。如有肆行喧鬧者。拏究。今該御史奏請責成總兵彈壓。例內業經載明。至所稱兩翼總兵俱到之處。係屬不諳定例。應毋庸議。道光十五年議覆御史湯鵬條奏。外簾各官。均由各部院堂官揀選。正途出身之員。並令公同驗看。不得視為具文。該御史所奏。係申明舊例。

惟在實力奉行。自能杜絕弊竇。無庸另議。
道光十七年。議覆御史朱淳奏稱。外收掌應添
設一員。自卷箱到闌。一切事宜。令其收發點核。
試卷。戳印後。卽令移貯房中。俟點名時。發交四
門分散等語。查定例。硃卷移送內簾後。外收掌
將通場墨卷收貯。以備稽核。至試卷入闌。尙不
由外收掌管。蓋因卷數煩多。入闌時。戳印坐
號。鈐蓋關防。距點名散卷。止隔一日。至收卷後。
又須卽發彌封。爲時甚爲迫促。若責令外收掌
司發司收。逐次點核。卽使添派一員。亦恐稽察
難周。致滋遺誤。所請添設外收掌管。收發試
卷之處。應毋庸議。

又本部議奏。給事中黎攀鏐奏。派送鄉會試書
吏。請嚴定聯名保結一摺。奉

硃批。禮

部議奏。欽此。查原奏。內稱。本年順天鄉試。各衙
門所送書吏。朦混。洩漏者。不一而足。必應亟爲
禁絕。嚴定科條。嗣後鄉會試。派送書吏。應請責
成。各司掌印主稿司員。飭令同在該司。著役經

承出具聯名互結。如其結後該吏有不親身入
場。著令其公同稟明。免其連坐。倘扶同徇隱。日
後發覺。一併斥革治罪。仍於入場之日。由該司
出具印文。派互結內之經承一二人。將該吏押
至貢院。連印文並投交磚門御史查驗。如該司
員等不派人押送。卽行照例議處。再內外簾書
吏。應令承送之員。務於經承內選派。倘以貼寫
充數。經場內查出。除將該吏懲究外。並將該司
員叅處等語。臣等查鄉會試。應用書吏。例由各
衙門經承內挑送。如查非正身。卽行嚴究。懲治
並將承送之員叅處。定例本極嚴密。無如奉行
不力。弊竇旋生。本年順天鄉試。入場書吏多有
頂名冒混之弊。欽奉

諭旨

臣部會同順天府。申明舊例。妥議章程。具奏。經
臣等奏准。嗣後內外簾書吏。各衙門照例於經
承內挑送。除造具花名清冊外。屆期由各衙門
添派司員二人。將派出書吏管送入場。如入場
後。查有頂冒等弊。將該書吏照例懲辦。並將管

送之員。叅處是各衙門書吏。既由該司員挑送。又派有司員管送入場。如有頂冒等弊。不難卽時嚴究。較另派經承押送之處。更爲周密。且書吏賒混滋弊。全在該司員認真查察。若令該吏等自相舉發。難保無扶同隱匿情事。卽取有互結。亦屬有名無實。不足以杜弊端。嗣後各衙門派送入場書吏。應請遵照奏定章程辦理。該給事中。所奏應毋庸議等因。奉

旨依議。欽此。

欽定科場條例卷十一

鄉會試執事官員

直省鄉試執事官員

現行事例

一直省鄉試以巡撫爲監臨。四川卽以總督爲監臨。江南則以江蘇安徽兩省巡撫按科輪派。於八月初六日入闈。三場畢出闈。其闈中事務交與提調監試二道督率辦理。仍委中軍駐宿貢院門外以昭嚴肅。

一督撫如不克入闈監臨奏請

派員代辦。

一直省鄉試用提調官一員監試官一員由督撫於該省道員內委充如道員內無科甲人員即於兩司中查科甲出身者酌派一員入場。

一直省鄉試內監試一員由督撫於道府內委充如道府不敷准以正途出身之同知派用。

一直省鄉試內收掌各省俱外收掌山東陝西

浙江四川湖南湖北廣東廣西各二員山西河南福建雲南貴州各一員受卷所江南

浙江福建各八員。廣東七員。山東五員。河南。湖南。貴州。各四員。江西。山西。陝西。四川。湖北。雲南。各三員。廣。彌封所。江南四員。山東。江西。浙江。廣西。二員。建。四川。湖南。湖北。廣西。各一員。騰錄所。江南四員。浙。二員。雲南。貴州。各一員。廣東。各三員。四川。廣西。雲南。貴州。各二員。對讀。五員。山西。河南。陝西。江西。福建。湖南。湖北。廣東。各三員。所。江南四員。山東五員。浙江。廣西。各四員。山西。陝西。福建。湖北。廣東。各三員。江西。河南。四川。湖南。雲南。貴州。各二員。其受卷。彌封。膳錄。對讀。四所。督撫。州。各二員。

於所屬進士舉人正途貢生出身之州縣官委

充。直隸州知州。如不敷用。准以正途出身之府

佐貳首領。及州縣正佐等官。酌量選充。其內外

收掌試卷。於事簡之同知通判內選充。不必拘定科甲。

一直省鄉試。印卷巡緝搜檢供給督門等。文武員弁。無定額。各省督撫照例酌量委派。

一直省鄉試。准取醫士一名。入場聽用。

一直省巡撫監臨。隨帶文巡捕一員。入闈傳稟事件。其武巡捕不得隨帶。

一各省謄錄對讀生。該管官各遵本省成例辦理。場中應用人役。監臨提調酌量取用。

例案

順治初年定。各直省鄉試取監士一名入場聽用。

順治十六年議准。受卷各役在外責成附省州縣。選撥勤慎書手共十四名。造冊送提調官。臨期選送受卷所。令本官細心督察。

康熙二年題准。各省巡按已經裁撤。用該巡撫監臨。江南省江寧鳳陽安徽三巡撫挨取監臨。永著為例。謹按鳳陽巡撫缺裁。現以江蘇巡撫與安徽巡撫輪流監臨。其印

卷收卷受卷彌封謄錄對讀等官以府佐貳首領並州縣正佐內由正途出身各官選用其巡綽搜檢供給等官於衛弁雜職內取用。

康熙二十四年議准嗣後外簾執事官孔氏博士不必開列使孔氏子孫入場無所迴避以示優待聖裔之意。

雍正七年奉

上諭各省鄉試之年舊例以巡撫爲監臨以布政使爲提調以道員爲副提調以按察使爲監試以道員爲

副監試。朕思藩臬二官。乃通省錢糧刑名之總匯。入場一月有餘。將地方公事耽擱遲延。於官民均爲未便。況既有道員二人。則科場之事。已有大員料理。不必又用藩臬。卽從今科爲始。各省以道員一人爲提調官。一人爲監試官。永著爲例。特諭。欽此。

雍正十年議准。江西鄉試。除場內之事。專令道員二人料理。至外場三次點名散卷稽查等事。准令藩臬二司。與道員一同辦理。再查各省人文日盛。如江浙等省。應試士子。多者至一萬四

五千名。卽雲南、貴州等省。少者亦不下五六千人。點名散卷稽察紛繁。均須協理。方可肅清。嗣後各省鄉試。俱照此例。令藩臬二司。協同點名。乾隆元年覆准。各省鄉試。於調取通省應行分房之同知、通判、州縣等官內。文理平常者。供外場執事。如不敷用。仍調取本省佐貳差委。又覆准。外省鄉試。亦照順天之例。添設內簾監試官一員。在道府內派用。如道府偶有不敷。卽於同知內揀選就近派委。

乾隆三年遵

旨議准江寧安徽既經增額分中應將外簾添設受卷官三員彌封官二員。

又覆准湖南外簾官共用十六員今應將騰錄所裁減一員對讀所裁減二員。

又覆准山西外簾受卷騰錄對讀三所亦各減一員。

乾隆十三年覆准陝西外簾官共用十六員今應將受卷騰錄對讀三所各裁一員供給官亦

減去二員。

乾隆十五年覆准雲南外簾各官應裁減受卷所二員。乾隆五十七年彌封所一員。膳錄所二員。增受卷官一員。對讀所一員。收掌官一員。又巡察等官共用三十五員。內酌減十一員。

乾隆十八年奉

上諭各省鄉試向例巡撫入闈監臨前因封疆職守綦重曾經降旨將專駐巡撫省分令於藩臬二司內酌委一員入闈監臨巡撫止於點名時督同搜查本屬

因地制宜之意。但思士子局闈考試人數衆多。又有執事之武弁兵丁等。均需約束。恐藩臬尙不足以資統理。且如江蘇安徽二省。現據鄂容安奏稱。藩臬事務最爲繁多。不便行調入闈等語。嗣後該二省俱仍著照舊例行。其餘專駐巡撫省分。亦仍令巡撫入闈督率彈壓。俟三場完竣後。卽行出闈。交與所委之司員在內辦理。乾隆二十一年奏准。闈中事務。交與監試提調二道辦理。庶關防嚴肅。於地方場務均昭慎重。欽此。

又議准。廣西外簾舊設受卷官四員。應酌減二

員騰錄官四員應酌減二員。

乾隆十九年覆准嗣後各省鄉試內外簾官將直隸州知州停其調取。

乾隆二十一年覆准湖南巡撫陳宏謀條奏嗣後各省巡撫監臨俱於八月二十日後出關其關中事務交與提調監試二道督率辦理不必又令藩臬入關其場外巡查應令該撫於出關後卽委中軍駐宿貢院門外巡邏稽查以昭嚴

肅。

乾隆二十二年。覆准御史劉宗魏條奏。直省內
簾並無內收掌官。應照京師之例。添設內收掌
官一員。於舉貢正途出身之佐貳選用。令其在
內簾專司收發。並將落卷按數查覈。於揭曉日
移送提調查覈。

乾隆二十四年。覆准署江西巡撫阿思哈條奏。
嗣後各省監臨。及提調監試之道員內。如無科
目出身之人。卽於兩司中。查科目出身者。酌派
一員入場。其印務。卽另委道員署理。

乾隆三十五年議准。直省外簾受卷等四所事竣。卽陸續出闈。收掌試卷官。有始終經理之責。該督撫於事簡同知通判內。不必拘定科甲。遴調入闈。仍於揭曉後出闈。

又覆准查江南外簾官。增至二十三員。未免浮多。應如所奏。照順天十八員之例。減去五員。以符體制。乾隆五十七年。增受卷官四員。

乾隆五十二年奏准。直省鄉闈。令監臨揀派府廳等員。於初九初十二十三十五十六等日。

在外聞嚴行巡察以資防範。

乾隆五十四年奏准。士子於每場試卷末填寫
通共添註塗改若干字。應請嗣後增派受卷官
令其親手挨卷照數逐一登記。並於簿面註明
受卷官某人以便稽覈。接壬子科鄉試江南浙
江福建各省增派受卷官
四員廣東增派受卷官二員雲南增派
受卷官一員其餘各省仍照舊例辦理

嘉慶五年河南布政使馬慧裕奏。八月初八日
據撫臣劄知。初六日接奉

諭旨。令長齡將吉林黑龍江官兵一千五百名帶赴陝

甘等因。欽此。所有應付章程。應出關照料其關內事宜。奏請學政王宗誠到關。當將監臨事務移交代辦等因。奉

硃批。所辦是。欽此。

道光十五年。奉

上諭。鄧廷楨奏。上屆戊子。壬辰兩科江南鄉試。輪應安徽巡撫入關監臨。陳明在居省城。請旨改派。本年監臨。又係安徽輪值。仍奏明請旨等語。本年乙未科江南鄉試。著派林則徐入關監臨。欽此。

道光二十年。山東巡撫托渾布具奏。赴登州府督辦防堵諸務。飭委藩司楊慶琛代辦監臨事務一摺。奉

硃批知道了。欽此。

又浙江巡撫烏爾恭額奏稱。現往鎮海剿辦喫夷藩司既辦場務。又管軍需。可否將本年鄉試監臨事務。由學臣代辦等因。奉

上諭。烏爾恭額奏請令學政代辦監臨事務等語。本年浙江鄉試。著李芝昌入闈監臨。欽此。

附載舊例

順治初年定各省用巡按御史爲監臨官。

康熙二年題准各省提調例用布政司官二員。

監試用按察司官二員如布政司署理監臨事

務則以按察司充提調守巡等道充監試如按

察司署理監臨事務則以

守巡等道充提調監試

乾隆十七年奉

上

諭向例各省鄉試巡撫入闈監臨而藩臬二司則充

提調監試之任後以藩臬爲通省錢穀刑名總匯改

用道員而巡撫之監臨如故所以重試典也但巡撫

唐封疆之寄職守綦重其督撫同省者尙有總督可

以綜理若專係巡撫駐劄省分及雖與總督同城而

該督因事他出則止巡撫一人在省循例入闈於地

方不足以示彈壓嗣後此等省分應於藩臬二司內

酌委一員入闈監臨巡撫於三場點名時仍督同藩

臬搜查則賓興大典既爲嚴密而封疆專寄益昭慎

重矣欽此

乾隆五十八年奉

上諭嗣後各省督撫同在一處者仍令巡撫監臨著於
榜後交與總督嚴屬覆試其止有巡撫省分著派布
政使會同鄰近提鎮一員監臨榜後交與巡撫覆試
欽此